

REALA. Nihat ez du fitxatuko Realak, baina haren osatze prozesua gertutik segituko du, eta urtarilaren 30erakoosatzen bada, denboraldi honetan jokatzeko fitxatuko du. Geroagoosatzen bada ere, oso litekeena da azkenean turkiarra Donostiara etortzea.

Garaiz konturatu dira, behintzat

Nihati atzo eginiko osasun azterketak ezker belauneko kanpoaldeko meniskoa apurtua duela erakutsi du

Jon Balenziaga | DONOSTIA

Nihat Kahveci etxera bueltan da. Oraingoz ez da Realeko jokalaria izango. Talde txuri-urdinak atzo jokalaria eginiko osasun azterketak ezker belauneko kanpo aldeko meniskoa apurtua duela erakutsi du. Nihatek egunen batean Turkia- itzuliko zela esanez utzi zuen bere herrialdea asteartean; ez zuen espero, ordea, joan-etorria horren azkar egingo zuenik. Atzo zortzi, Besiktasekin Kopako partida jokatzeko ari zela, min hartu zuen ezkerreko belaunean, eta, ondorioz, asteburuan ez zuen jokatu Fenerbacheren aurka. Lesio hori izan da oraingoz fitxaketa atzera bota duena.

Goizeko 10:00etan ekin zion Nihatek osasun azterketari. Arratsaldeko 16:30ean Realak prentsaurrekoa eskaini zuen, erabakiari buruzko argibideak emateko. «Belaunean arazo bat du, eta, ondorioz, orain ezin dugu fitxatu», esan zuen Realeko presidente Jose Luis Astiazarane. «Besiktasek, Realak eta jokalaria, denok nahi dugu fitxaketa gauzatzea, baina orain ezin dugu. Besiktasek badu egoera honen berri. Jokalaria etorri bezala joango da, guk lagunduta», gaineratu zuen.

Eduardo Escobar Realeko sendagileak jokalaria zer duen azaldu zuen: «Ezker belauneko kanpo aldeko meniskoa apurtua du. Ebakuntza behar du, eta hori Besiktasen ardurapean egingo du. Nik ezin dut esan zenbat denbora beharko duen osatzeko, hori haren sendagileak esan beharko du».

John Toshacki aurpegira begiratzea nahikoa zen atsekabeta zegoela sumatzeko. «Kolpe gogorra da niretzat eta jokariarentzat. Inoiz ez du lesiorik izan, baina Realak ezin du orain ebakuntza egin behar dioten jokari bat fitxatu. Gertutik jarraituko dugu, eaosatzen den eta etorkizunean fitxatzerik dugun», esan zuen Toshackek. Galesak, hala ere, beste norbait fitxatzeko aukera badutela ohartarazi zuen: «Aukera gehiago baditugu mahai gaine-



JUAN HERRERO / EFE

Nihat turkiarra eta John Toshack entrenatzailea atzo emandako prentsaurrekotik ateratzen.

AURAKARIK

PEIREMANS. Belgikarraren truke 600 milioi ordaindu zituen Realak, baina min hartuta etorri zen, eta ez zen inoiz osatu. Realean jokatu ere egin gabe, Peiremansek utzi egin du futbola.

CORINO. Jokatzeko hasi ondoren, zortzi partida jokatu gabe egon zen, min hartuta. Clementek min hartuta etorri zela onartu zuen.

COLLET. Bost partida jokatu ondoren, min hartu zuen, eta hurrezko 15 minutu baino ez zuen jokatu. Realera etorri aurretik urtebete min hartuta eman zuen.

DEMETRADZE. Sasoiz kanpo etorri zen, eta, lesionatuta denbora luzea eman ondoren, lau partida jokatu zituen iaz.

an, baina honek ezustean harapatu gaitu». Nihat Kahvecik, azkenik, bere kabuz hedabideen aurrean mintzatzea erabaki zuen, guztiei eskerrak emateko: «Oso triste nago, etsita, baina Realari eskertu egin nahi diot ni hona ekartzeko egin duen ahalegina. Ilusio handia nuen familia honetara etortzeko. Lesio baten erruz, oraingoz ez dut fitxatuko, baina denbora badugu, eta denbora honetan oso azkar osatuko naiz. Etortzeko irrikaz nago. Osatzean, ia seguru nago familia honetan partaide izango naizela. Bitartean, eskerrik asko denoi». Jokalaria

ESANAK

NIHAT KAHVECİ

(Besiktaseko jokalaria)

«Oso triste nago, etsita, baina Realari eskertu egin nahi diot ni ekartzeko egin duen ahalegina»

«Denbora badugu, eta denbora horretan oso azkar osatuko naiz. Familia honetan partaide izan nahi dut»

JOHN TOSHACK

(Realeko managerra)

«Kolpe gogorra da niretzat; aukera gehiago baditugu, baina ea etorkizunean fitxatzen dugun»

JOSE LUIS ASTIAZARAN

(Realeko presidentea)

«Denok nahi dugu fitxaketa gauzatzea, baina orain ezinezkoa da»

EDUARDO ESCOBAR

(Realeko sendagilea)

«Ebakuntza behar du, eta hori Besiktasen ardurapean egingo du. Ezin dut esan noiz osatuko den»

inoiz ez duela lesiorik izan argitu zuen. Iragan asteazkenean min hartu zuenetik Besiktaseko sendagileek behin aztertu zioten belauna, baina lesioa egin berri zuenez, ezinezkoa omen zen zer zuen zehatz-mehatz ikustea. Nihat gaur goizean itzuliko da Istambulera, Jose Luis Barrenetxea kontseilariak eta Andoni Iraola prentsa arduradunak lagunduta.